



# ATASSUT INATSISARTUNI

---

Nuuk ulloq 4. september 2014

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqut imaattoq saqqummiupparput:

**Nunatsinni, inissiaatileqatigiiffik A/S INI Boligselskab sanaartornikkut namminersortuusunut suliaqartitsiffimminut piffissaarujussuaq atoqqaarlugu akiliisarnerat Naalackersuisut sutigut pitsanngorsaaviginiarlugu pisariillisarniarlugulu aqqissuuteqqinniarneraat ATASSUT-miit tusarusupparput.**

**Namminersortuusut A/S Ini Boligselskab sumiifigisaani tusagaqarfigisaratsigu, kiisalu aamma Branche Udvalg-imi ilaasortaasuniit A/S Ini Boligselskab akiliisarnera kingusittangaarmat namminersortuusunut allaat kingunipiloqartinneqarsinnaasarluni, tamannalu Naalackersuisut qanoq aqqiiviginiarneraat ATASSUT-miit tusarusupparput.**

**Ilanngulugu A/S Ini Boligselskab siulersuisuini GA-miit ilaasortaatitaqalernissaq periarfissatsialattut Naalackersuisut tigusunneraat ATASSUT-miit tusarusupparput.**

(Inatsisartuni ilaasortat Knud Kristiansen aamma Gerhardt Petersen, ATASSUT)

ATASSUT-miit pingaaruteqarluinnartutut isigaarput politikikkut periarfissat tamaasa atorlugit namminersortuusut pitsaanerpaamik atugassaqartitaaffeqartinneqassasut, ilisimaneqareerpormi suliffisaleqineq akiorniarlugu immikkut suliniutit ingerlalereersut, tassuunakkullu pingaarpoq suliffeqarfiit pisortanit pigineqartut A/S Ini Boligselskab-itut ittut namminersortuusunut akiliisarnerat sapinngisaaq tamaat pisariinnerpaamik pitsaasumillu aqqissugaanissaa.

Tamanna amerlavallaartuni taamaanngitsoq paasisaqarfigisaannalerparput, pineqarluni inissiaatileqatigiiffik A/S INI Boligselskab sanaartornikkut namminersortuusunut suliaqartitsiffimminut piffissaarujussuaq atoqqaarlugu akiliisarnera piusoq, allaallu ilaatigut qaammatit 4-5-6 ingerlareeraangata aningaasat aatsaat suliffeqarfimmut nammimnersortuusumut apuuttartut.

Pineqartoq ATASSUT-miit ilungersunartutut isigalugu Naalackersuisut sutigut pitsanngorsaaviginiarlugu pisariillisarniarlugulu aqqissuuteqqinniarneraat tusarusupparput.

ATASSUT-miit tusagaqarfigisaratsigu Namminersortuusuniit A/S Ini Boligselskab sumiifigisaani, kiisalu susassaqaqataasut ilaanniit Branche Udvalg-imi ilaasortaasuniit A/S Ini Boligselskab akiliisarnera kingusittangaarmat namminersortuusunut allaat kingunipiloqartinneqarsinnaasarluni, tamannalu ATASSUT-miit qaangerneqarnissaa soqutigisorujussullugu Naalackersuisut qanoq aqqiiviginiarneraat tusarusupparput.



## ATASSUT INATSIARTUNI

---

ATASSUT-miit Ilanngulugu A/S Ini Boligselskab siulersuisuini GA-miit ilaasortaatitaqalernissaq periarfissatsialattut Naalakkersuisut tigusunneraat tusarupparput, tassami tulluurtuuvog susassaqaqatigiit tamarmik A/S Ini Boligselskab siulersuisuini issiatitaqartuuppata, tassuunakkut atugassarititaasutigut periarfissat tamaasa “nipilersoqataaffigineqassagaluardata.

Qinnutigissavarput akissuteqaat, kingusinnerpaamik ullut suliffiit naliginnaasut qulit iluini tigusinnaassallugu. Akineqarnerpullu tunngavigalugu nalileqqikkumaarparput suliaq malersoqqittariaassanersoq.